

CLASS 6 HOLIDAY HOMEWORK 2020

KISWAHILI

JUMA LA KWANZA - JUMATATU.

A. Tegua vitendawili hivi.

1. Kutoa ni kuongeza. _____
2. Achora lakini hajui achoracho. _____
3. Nikigongwagongwa wanangu hutoka. _____
4. Nnne juu ya nne ameandika nne. _____
5. Nyumbani mwangu hamkosekani unga _____

B. Tambua maana ya istiara hizi.

1. Kwao ni jela . - _____
2. Yeye ni kasuku. _____
3. Musa ni lumbwi. _____
4. Kwetu ni jerahanamu. _____
5. Baba yangu ni simba. _____

JUMA LA KWANZA - JUMANNE.

A. Kamilisha salamu hizi.

1. Ndoto njema _____.
2. Lala unono _____.
3. Alamsiki _____.
4. Salaam aleikum _____.
5. Sabalkheri _____.

B. Tuma kiambishi 'ndi' ifaavyo.

1. Mimi _____ niliyetumwa.
2. Wewe _____ uliyekosa.
3. Yeye _____ aliyeitwa.
4. Sisi _____ tuliojityolea.
5. Hiki _____ kilichoibwa.

JUMA LA KWANZA - JUMATANO

Andika vitenzi hivi katika hali ya kutendewa na kutendua.

Kitenzi	Kutendewa	Kutendua
1. Panga	_____	_____
2. Choma	_____	_____
3. Fumba	_____	_____
4. Anika	_____	_____
5. Waza	_____	_____

Kamiliosha katika hali ya kutendeka.

1. Shamba lililimwa _____.
2. Chakula kilipikwa _____.
3. Nyumba ilipambwa _____.
4. Picha ilichorwa _____.
5. Nyama ilisagwa _____.

JUMA LA KWANZA - ALHAMISI

A. Kamilisha tanakali zifuatazo.

1. Musa alianguka chini _____.
2. Shilingi ilianguka sakafuni _____.
3. Mkoba ulianguka matopeni _____.
4. Wairimu alipoingia wanafunzi alinyamaza _____ na kutega masikio yao _____.
5. Mzee mlafi alikila chakula _____.

B. Tambua vikembe vya viumbe mbalimbali.

1. Nzi _____ au _____.
2. Chura _____.
3. Nyuki _____.
4. Bata _____.
5. Samaki _____.

JUMA LA KWANZA - IJUMAA.

Andika kifungu hiki upya ukitumia neno mkeka.

Juzi mwalimu wangu aliniletea kifutio kipya. Kifutio chenyewe kilikuwa kizuri sana. Kilikuwa kifutio ambacho sijawahi kukiona hapo awali. Kwangu kilinivutia, nikakipenda na kuapa kukitunza vizuri. Nilimwomba aniletee kingine niwe navyo viwili. Nitafurahi kuvitumia vyote viwili. Cha kwanza kilikuwa chekundu na hivyo basi nisingetaka vyote viwe vyekundu. Je, unadhani cha pili kitakuwa na rangi gani? Je, umewahi kuwa na chako kisicho cha wengine?

JUMA LA PILI - JUMATATU

A. Tumia viashiria radidi.

1. Mtoto huyu _____.
2. Kamata hili _____.
3. Shule hii _____.
4. Kusoma huku _____.
5. Maji haya _____.

B. Msamiati mseto.

1. Kipindi cha miaka kumi huitwa _____.
2. Kipindi cha miaka elfu moja huitwa kikwi au _____.
3. Maneno yenye maana sawa huitwa _____.
4. Maneno yenye matamshi sawa huitwa _____.
5. Maneno yenye maana zaidi ya moja huitwa _____.

JUMA LA PILI - JUMANNE

A. Tumia – ingine.

1. Gari - _____
2. Mswaki - _____
3. Dawa - _____
4. Miwani - _____
5. Siku - _____

B. Kosoa sentensi zifuatazo.

1. Vyupa vyenyewe vimevunjika.

2. Mimi ndiye daktari mkuu.

3. Mtoto ambaye aliyetumwa si huyu.

4. Wema inayozungumziwa ni hii.

5. Mwalimu yule hapendi madawa yaliyotiwa kwenye makaratasi machafu.

JUMA LA PILI - JUMATANO

Tea maana tatu za maneno yafuatayo.

1. Kaa : (a) _____
(b) _____
(c) _____
2. Panda : (a) _____
(b) _____
(c) _____
3. Kata (a) _____
(b) _____
(c) _____

4. Chupa : (a) _____

(b) _____

(c) _____

5. Chuma : (a) _____

(b) _____

(c) _____

JUMA LA PILI - ALHAMISI

Unda nomino kutokana na sifa hizi.

Sifa (kivumishi)	Nomino
1. zuri	_____
2. baya	_____
3. ema	_____
4. eusi	_____
5. dhaifu	_____

JUMA LA PILI - IJUMAA

A. Andika sentensi tano ukitumia kiambishi 'ki' cha masharti.

1. _____

2. _____

3. _____

4. _____

5. _____

B. Kanusha sentensi hizi.

1. Huyu ni seremala.

2. Wewe u mzima.

3. Kusoma kwako kulimfaa.

4. Ukiniita nitaitika.

5. Mzee huyo amekunywa dawa zinazolevya.

JUMA LA TATU - JUMATATU

A. Kamilisha methali zifuatazo.

1. Baada ya dhiki _____.
2. Mgaagaa na upwa _____.
3. Matikiti na _____.
4. Usiache mbachao _____.
5. Adhabu ya _____.

B.

1. Mtunzi wa mashairi anaitwa _____.
2. Kifungu katika ushairi huitwa _____.
3. Shairi la mishororo huitwa:
 - a. Mitatu _____.
 - b. Minne _____.
4. Mshororo wa mwisho unaorudiwa kila ubeti huitwa _____ au _____.
5. Mstari wa mwisho katika shairi la tarbia huitwa _____.

JUMA LA TATU - JUMANNE

A. Andika sentensi hizi katika usemi wa taarifa.

1. "Ukiniita nitaitika," mama akasema.

2. "Njooni nyote hapa," Askari akasema.

3. "Nitasafiri kesho jioni ili nikamwone," Babu akasema.

4. "Jongea hapa ukitabasamu sasa hivi," Daktari akamwambia Leita.

5. "Ukija nitakutembeza huku kwangu," Mwenyeji akamwambia mgeni.

B. Andika akisami hizi kwa maneno.

1. $\frac{2}{3}$ - _____ 2. $\frac{3}{4}$ - _____
3. $\frac{7}{8}$ - _____ 4. $\frac{2}{9}$ - _____
5. $\frac{5}{6}$ - _____

JUMA LA TATU - JUMATANO

A.

1. Mshukiwa akikamatwa huwa tunasema ametiwa nguvuni au _____.
2. Chumba anachofungiwa mshukiwa katika kituo cha polisi huitwa _____.
3. _____ ni mtetezi wa mteja katika mahakama.
4. _____ ni mahali ambapo mshtaki, mshtakiwa, wakili na wengineo husimama mahakamani.
5. _____ hutoa uamuzi mahakamani . Pia huitwa jaji.

B. Kamilisha kwa kutumia kiulizi kilicho mabanoni ifaavyo.

1. Watoto _____ watatuzwa ? (gani)
2. Vipepeo _____ mliopata ? (gani)
3. Nilipanda miti _____ ? (-pi)
4. Madarasa _____ yaliyojengwa juzi ? (gani)
5. Mikunga _____ mliovua tangu juzi ? (ngapi)

JUMA LA TATU - ALHAMISI

A. Taja ngeli , umoja na wingi wa maneno haya.

Neno	Ngeli	Umoja	Wingi
1. Chai	_____	_____	_____
2. Karatasi	_____	_____	_____
3. Chupa	_____	_____	_____
4. Miwani	_____	_____	_____
5. Migodi	_____	_____	_____

6. Mtume _____
7. Bata _____
8. Wenzo _____
9. Ubao _____
10. Jiko _____

JUMA LA TATU - IJUMAA

A.

1. Kimelea cha kuku hasa mahali ambapo kuku ameatagia mayai ni _____.
2. Kimelea kinachoweza kupatikana kwenye nywele ni _____.
3. _____ ni kimelea kinachosababisha maradhi ya malale.
4. _____ ni kimelea kinachofyonza damu katika mwili wa binadamu.
5. _____ husababisha maradhi ya tauni.

B. Toa maana tatu za neno ala.

1. a). _____
b). _____
c). _____
2. Kisu kinachotiwa kwenye mtutu / mdomo wa binduki huitwa _____
3. _____ ni kisu chenye makali pande zote mbili.
4. _____ ni zana ya kivita inayopita chini ya maji.
5. Chagua neno lisilofaa katika kundi hili.

Sime, parapanda, singe, kombora.

JARIBIO LA KWANZA

Soma vifungu vifuatavyo, vina nafasi 1 mpaka 15. Kwa kila pengo umepewa majibu manne. Chagua jawabu lifaato zaidi.

Mvua ilikuwa 1 usiku kucha. Maji 2 yakawa yamezagaa kila 3. Jambo la kusikitisha ni kuwa baadaye 4 walianza kuzaana kwa wingi na kusababisha watu 5 malaria. 6 nyingi za hospitali zilijaa wagonjwa waliolazwa kutokana na ugonjwa 7. Mwalimu alitambua kuwa mvua ni muhimu lakini ikinyesha zaidi huleta 8. Hata hivyo, ikikosa kunyesha husababisha 9.

- | | | | |
|-------------------|---------------|---------------|----------------|
| 1. A. limenyeshwa | B. imenyeshwa | C. umenyeshwa | D. kumenyeshwa |
| 2. A. mwingi | B. nyingi | C. mingi | D. mengi |
| 3. A. mahari | B. hali | C. mahali | D. mali |
| 4. A. mbu | B. mbung'o | C. viroboto | D. mchwa |
| 5. A. kugonjeka | B. kuungua | C. kupona | D. kuugua |
| 6. A. Wadi | B. Wodi | C. Vitanda | D. Nyumba |
| 7. A. huwo | B. hayo | C. huo | D. hao |
| 8. A. maafa | B. manufaa | C. faida | D. makosa |
| 9. A. mafuriko | B. kipupwe | C. baridi | D. ukame |

Mtoto 10 yule ana haki 11 kupewa elimu. Serikali yetu inatoa elimu ya bure 12 shule 13 umma. Mzazi ambaye ataripotiwa kwa kukosa kumpeleka mwanawe shuleni 14 na kula kalenda 15.

- | | | | |
|------------------------|-------------------|----------------|------------------|
| 10. A. wowote | B. yoyote | C. yeyote | D. mwingine |
| 11. A. ya | B. wa | C. la | D. za |
| 12. A. kwa | B. katika | C. ndani mwa | D. katai ya |
| 13. A. yote ya | B. yote za | C. zote ya | D. zote za |
| 14. A. atatiwa mbaroni | B. atachana mbuga | C. atafua dafu | D. atakata kamba |
| 15. A. kizimbani | B. barazani | C. gerezani | D. zahanatini |

Kuanzia nambari 16 mpaka 30, jibu kila swali kulingana na maagizo.

16. Mtu anapotaka kuvuna mchele hustawisha
A. mpunga B. mgomba
C. mibibo D. mibuni.
17. Andika wingi wa sentensi ifuatayo
Barabara hiyo itatiwa lami.
A. Mabarabara hayo yatatiwa lami.
B. Barabara hizo zitatiwa lami.
C. Mabarabara hizo zitatiwa lami.
D. Barabara hayo yatatiwa lami
18. Chagua methali inayowaonya wazazi wasiogope kuwaelekeza watoto wao?
A. Asiyefunzwa na mamaye hufunzwa na ulimwengu.
B. Uchungu wa mwana aujuaye ni mzazi.
C. Mchelea mwana kulia hulia mwenyewe.
D. Mtaka cha mvunguni sharti ainame.

19. Nomino pua, shingo na ndizi hupatikana katika ngeli ipi?
A. KI-VI B. LI-YA
C. I-ZI D. U-YA
20. Maskani yapi yamekosewa?
A. Mchwa - kichuguu.
B. Kuku-kizimba.
C. Ng'ombe-zeriba.
D. Kiwavi - kiota.
21. Orodha ipi inayoonyesha viashiria pekee?
A. Angu, etu, enu, ake.
B. Huyu, vile, hivyo, haya.
C. Gani, tamu, bora, mpya.
D. enye, enyewe, ote, o-ote.
22. Mtu akikuaga "Ndoto njema" nawe utamjibu
A. ya mafanikio
B. buriani
C. jaala
D. Inshallah
23. Tunasema, Anguka pu! lakini nyooka
A. Nyoo! B. Nywee!
C. Ka! D. Twaa!
24. Vazi linalovaliwa na makanika ili mavazi yao yasichafuke huitwa
A. kanchiri B. surupwenye
C. kizibao D. kabuti
25. Tumia kisisitizi -ndi- kwa usahihi.
A. Maji haya ndio yaliyomwagika.
B. Maji haya ndilo yaliyomwagika.
C. Maji haya ndiyo yaliyomwagika.
D. Maji haya ndiyo yaliyomwagika.
26. Mstari mmoja wa maneno katika shairi huitwa
A. Kibwagizo B. mizani
C. mshororo D. sentensi.
27. Sentensi ipi ina kivumishi cha idadi?
A. Tunda la pili limeiva.
B. Shule zote zimefunguliwa.
C. Saa yangu imepoteza majira.
D. Mji huo una wakazi wazuri.
28. Tunasema mrefu kama mlingoti na mwaminifu kama
A. malaika B. jua
C. mchana D. usiku.

29. Malipo ya kuachiliwa kwa muda huku kesi ikiendela ni

- A. arshi
- B. riba
- C. faini
- D. dhamana

30. Akisami $\frac{3}{8}$ kwa maneno huitwa

- A. thuluthi tatu
- B. thumni tatu
- C. humusi tatu
- D. humusi nane

Soma kifungu kifuatacho. kisha ujibu maswali 31 – 40

Nchini Kenya dhana ya mtoto inatofautiana kutoka jamii moja hadi nyingine. Katika jamii nyingi, kuna mila na desturi ambazo huashiria kuvuka kutoka utotoni kuingia utu uzima. Tutaziita mila hizi za upisho kwa sababu humpitisha mtu kutoka kiwango kimoja hadi kingine. Mtu huwa mzima pindi tu anapopitia mila na desturi za upisho. Mila na desturi hizo za upisho huwa muhimu kwa kuwa mtu akitambuliwa kama mtu mzima hupata uhuru wa kutekeleza mambo fulani kama vile uhuru wa kuoa au kuolewa. Umri wakupitia mila na desturi za upisho hutofautiana kutegemea jamii. Mtu aliye na umri wa miaka kumi na mitatu anaweza kuwa mtoto katika jamii fulani na katika jamii nyingine akawa mzima.

Serikali ya Kenya imepitisha sheria ya kusawazisha dhana ya mtoto. Usawazishaji huo umeafikiwa kwa kutumia umri kwa mujibu wa sheria ya watoto ya mwaka wa elfu mbili na moja, mtoto ni mtu aliye na umri wa chini ya miaka kumi na minane. Hii ni kuambatana na makubaliano kuhusu haki za watoto ya mwaka wa elfu moja mia tisa tisini.

Kwa kuzingatia kigezo cha umri, mtu anapotimia umri wa miaka kumi na minane huwa amepiga hatua muhimu katika ukuaji wa mwanadamu na hivyo huwa mtu mzima. Ingawa haya ni kweli katika ujumla wake, mazingira anamokulia mtoto kama vile ya kitamaduni, kijamii na kisiasa huchangia pakubwa katika kuamua ni wakati gani mtu anapokuwa mzima.

31. Dhana ya mtoto hapa nchini Kenya

- A. imesawazishwa na jamii
- B. huwa tofauti kwa kutegemea jamii
- C. si muhimu katika jamii
- D. haijulikani katika jamii.

32. Mtu huwa mtu mzima katika jamii fulani baada ya

- A. kupitia mila na desturi za upisho
- B. kuogezeka umri na kuwa mkubwa
- C. kuonyesha ujasiri na bidii maishani
- D. kusoma na kuhitimu mafunzo yote shuleni.

33. Ipi si mojawapo ya mila na desturi za upisho?

- A. Tohara ya wavulana.
- B. Kuwinda wanyama katika jamii fulani.
- C. Kuolewa ukiwa mtoto.
- D. Kung'olewa meno katika baadhi ya jamii.

34. Mila hizi za upisho huwa muhimu kwa kuwa

- A. mtu huacha kuwaheshimu wakubwa
- B. mtu hupata uhuru wa kuvunja sheria
- C. mtu huanza kuogopwa na watu wote
- D. uhuru wa kutekeleza mambo fulani hupatikana.

35. Si kweli kusema kwamba
 A. mtu wa miaka kumi na mitatu ni mzima katika jamii zote.
 B. Mtu wa miaka kumi na minane ni mzima katika baadhi ya jamii.
 C. Mtu wa miaka kumi na mitatu ni mzima katika baadhi ya jamii.
 D. Mtu wa miaka kumi na mitatu ni mtoto katika baadhi ya jamii.
36. Sheria iliyopitishwa nchini Kenya ni ya
 A. kuwafanya watoto kuwa watu wazima
 B. kusawazisha dhana ya mtoto
 C. kuwaonea na kuwatesa watoto
 D. kuwafanyia watoto mila na desturi.
37. Kulingana na serikali mtoto huwa
 A. na miaka kumi na minane
 B. miaka zaidi ya kumi na minane
 C. miaka chini au zaidi ya kumi na minane
 D. miaka isiyofika kumi na minane
38. Sheria ya watoto ni ya mwaka wa
 A. 201 B. 1996
 C. 2001 D. 1990
39. Mtoto wa miaka kumi na minane huwa mtu mzima kwa sababu.
 A. amepitia mila na desturi za upisho
 B. amepiga hatua muhimu katika ukuaji wake
 C. amepata kitambulisho cha taifa
 D. anaweza kuoa au kuolewa
40. Mazingira anamokulia mtu yametajwa kuwa yote haya isipokuwa
 A. kimavazi B. kitamaduni
 C. kijamii D. kisiasa.

Yasome makala haya kwa makini kisha ujibu maswali 41 – 50

Asubuhi moja fisi aliamka mnyonge. Alipotazama jikoni hakuona moshi ukifuka. Akajua kuwa pasipo moshi bila shaka hapana moto; na pasipo na moto **staftahi** haipatikani. Akajiona kama anayechezewa na ulimwengu. Akakumbuka katika enzi za ujana wake ambapo alikuwa msasi mashuhuri aliyeogopwa na paa wote. Akapiga moyo konde na kusema kuwa lazima aende kujitafutia chakula. Baada ya kanawa uso, fisi **alishika njia** kuelekea msituni bila hata kuwajua wake na wanawe asiye akaamsha tumaini lao na kuwafanya watarajie chochote. Haikuchukua muda kabla ya kuziona nyayo za mnyama fulani. Akazifuata hatua chache, huku macho yake yameng'aa kwa matumaini. Akawa anaongeza mambo huku na kule. Muda si muda akasikia mroromo wa ndama mdogo.

Roho ya fisi ikachanua; akapiga kifua na kusema "Leo Mungu amemshushia mja wake neema asiyoilalia wala kuiamkia." Akafululiza hadi alipoisikia sauti hiyo iliyompa bashasha. Hakuamini macho yake alipokuta kuwa kweli ndama huyo alikuwa amefungwa kumngojea yeye. Alimtazama ndama kwa shauku kubwa akiwaza aanzie wapi. Mara wazo zuri ilimjia. "Nimetafunwa na njaa kwa karne nyingi. Naye huyu ndama amenawiri si haba, kisha kafungwa kwa kamba ambayo pia huweza kuwa mlo hata kwa simba aliyekosa nyama nitaanza kuufaidi uhodo wa kamba hii, kisha nimshughulikie ndama wangu polepole. Nitakula shibe yangu kwa siku mbili-tatu huku walio nyumbani wakidhani kua nimekuja kuwatafutia"

Ghafla fisi akajipandisha ghadhabu. Akaivamia kamba na kuanza kuitia jino huku akibwata maneno yasiyosikika ndama ambaye wakati wote huu alikuwa akisisimkwa na malaika kwa woga, alipata wokovu mwembamba kama sindano baada ya kamba kukatika. Akatundika guu begani na kumwacha fisi akilia kwa kekevu.

Wakati huu wote mzee kobe ambaye alikuwa jirani wa fisi alikuwa akimtaazama kwa mbali kutoka mafichoni. Mara akajitokeza na kumwuliza fisi kilichokuwa kikimliza. Fisi, baada ya kuona fedheha alisimulia kisa chake. Kobe badala ya kumwonea fisi imani, alimwonya dhidi ya vitendo vyake vya kijinga vilivyosababishwa na tamaa. Tangu siku hiyo fisi hakuheshimiwa tena na wanyama.

41. Maana ya fisi kuamka akiwa mnyonge ni kuwa alikuwa
A. hana raha
B. hana nguvu
C. hana uchovu
D. hana hamu ya kula
42. Staffahi kulingana na kifungu ni
A. chakula cha aduhuri
B. chakula cha jioni
C. chakula cha mchana
D. chakula cha asubuhi.
43. Zamani fisi anakumbuka alikuwa
A. msasi aliyejulikana
B. akiwaogopa paa
C. mjaja kama sungura
D. mlafi kupindukia.
44. Fisi alishika njia ndiko kusema
A. aligusa njia kwa mkono
B. alipotea njia
C. alifuata njia
D. alianza kukimbia.
45. Baada ya kutembea kwa muda fisi aliona
A. ndama aliyefungwa
B. kobe aliyejificha
C. paa aliyemwogopa
D. nyayo za mnyama fulani.
46. Inaonekana kuwa ndama yule alikuwa
A. amenenepa
B. amekonda
C. amekufa
D. amenona
47. Baada ya kuwaza na kuwazua, fisi alikata shauri gani?
A. Kumvamia ndama mara moja
B. Kuanza kula kamba
C. Kumfungua ndama kamba
D. Kumshtua ndama yule.
48. Fisi alitaka kumla ndama kwa siku tatu bila kurudi nyumbani kwa sababu alikuwa
A. mwoga na mjinga
B. jasiri na mwerevu
C. mlafi na mchoyo
D. mjinga na mwerevu

49. Fisi alipoongea na kobe alikuwa
 A. ameaibika
 B. amefurahi
 C. amechangamka
 D. ameshiba
50. Kichwa mwafaka kwa makala haya ni:
 A. Polepole ya kobe humfikisha mbali.
 B. Mwenye pupa hadiriki kula tamu.
 C. Ujanja wa nyani huishia jangwani.
 D. Jogoo la shamba haliwiki mjini.

JARIBIO LA PILI

Soma vifungu vifuatavyo. Vina nafasi 1 mpaka 15. Kwa kila pango umepewa majibu manne. Chagua jawabu lifaalo zaidi.

Urafiki wa 1 una maana ya 2 rafiki 3. Huyu ataweza kukusaidia wakati 4 kwani wahenga walisema kuwa 5 kwa 6 ndiye rafiki. Lakini, jambo 7 kushangaza ni kwamba sisi 8 marafiki 9 pale wanapofikwa na shida.

- | | | | |
|--------------------|----------------|-----------------|---------------|
| 1. A. chati | B. dhati | C. hati | D. dati |
| 2. A. kuwa | B. kua | C. kukua | D. kukuwa |
| 3. A. mwongo | B. duni | C. mtundu | D. mwaminifu |
| 4. A. yoyote | B. yote | C. wowote | D. popote |
| 5. A. akufaaye | B. akuitaye | C. akuokoaye | D. akuinuaye |
| 6. A. shida | B. dhiki | C. taabu | D. kweli |
| 7. A. za | B. wa | C. la | D. ya |
| 8. A. huwakimbilia | B. huwakimbiza | C. huwakimbizia | D. huwakimbia |
| 9. A. yetu | B. wetu | C. mwetu | D. zetu |

Tuliandamana na wavyele wangu 10 mjini kuninunulia 11 mpya ya shule. Nilikuwa na furaha 12. Nilijua kuwa ningejionea magari mengi na majengo 13. Tuliabiri 14 na kulipa 15 yetu ndipo safari ikaanza.

- | | | | |
|-------------------|-------------------|-----------------|--------------|
| 10. A. tangu | B. hadi | C. bali | D. katika |
| 11. A. sare | B. suti | C. shati | D. kanchiri |
| 12. A. mingimingi | B. bingiribingiri | C. mpwitompwito | D. rovurovu |
| 13. A. mirefu | B. mrefu | C. ndefu | D. marefu |
| 14. A. lori | B. manowari | C. matwana | D. ambulensi |
| 15. A. kingilio | B. nauli | C. karo | D. masrufu |

Kuanzia nambari 16 mpaka 30, jibu kila swali kulingana na maagizo.

16. Chagua sentensi iliyo katika hali timilifu
 A. Uji ulipoa ukanywewa
 B. Uji umepoa ukanywewa
 C. Uji ukipoa utanywewa
 D. Uji unapopoa hunywewa

17. Andika wingi wa :
Blanketi langu limelowa maji.
A. Mablanketi yetu yamelowa maji.
B. Blanketi zetu zimelowa maji
C. Mablanketi zetu zimelowa maji
D. Blanketi zangu zimelowa maji
18. Akisami $\frac{5}{8}$ huitwaje?
A. Humusi nane
B. Thumni nane
C. Thumni tano
D. Humusi tano
19. Ugonjwa upi huathiri ngozi ya binadamu?
A. Kipindupindu B. Choa
C. Kifuakikuu D. Malale
20. Chagua sentensi yenye kivumishi cha pekee.
A. Tunda bivu limeliwa
B. Mtoto mmoja analia
C. Maji yale yamechemka
D. Ng'ombe wote wamekamwa
21. Alama ipi hutumika mwishoni mwa sentensi?
A. Kikomo B. Ritifaa
C. Koma D. Kistari kifupi
22. Sentensi gani imetumia 'ji' tamati kuonyesha anayetenda jambo?
A. Ulimaji wa shamba ni mgumu
B. Mkataji wa kuni amefika
C. Mkulima amejikata mkono
D. Jitu limenikimbiza sana
23. Umbo lifuatalo ni



- A. duara B. mchemraha
C. mcheduara D. pia
24. Tunasema msiri kama usiku na mwepesi kama
A. sindano B. jiwe
C. mtoto D. paa
25. Ndege yupi ni mdogo kuliko wengine?
A. Mbuni B. Kipanga
C. Sigi D. Kanga

26. Kanusha:

Mwalimu wetu alifika mapema.

- A. Mwalimu wetu hajafika mapema
B. Mwalimu wetu hakufika mapema
C. Mwalimu wetu hatafika mapema
D. Mwalimu wetu hafiki mapema

27. Kamilisha kwa tashbihi ifaayo

Barabara hii imenyooka _____; haina kuruba yoyote.

- A. twaa B. nywee
C. nyoo D. fwaa

28. Tegua kitendawili kifuatacho.

Ni changu lakini hutumiwa na wengine zaidi yangu.

- A. kiti B. mkono
C. kitabu D. jina

29. Tumia kirejeshi 'amba' kwa usahihi;

- A. Mzazi ambaye aliyekuja ni wangu.
B. Mzazi ambaye alikuja ni wangu.
C. Mzazi aliyekuja ni wangu.
D. Mzazi ambao alikuja ni wangu

30. Mmea ukipata mbolea nzuri na maji

- A. hukauka B. hunawiri
C. hunyauka D. hudhoofika

Soma kifungu kifuatacho kisha ujibu maswali 31 – 40

Maisha ya kule yalishinda ya utumwa au kifungo. Mtumwa na mfungwa huwa na nafasi ya kuona nje na kutangamana na watu, japo kwa masharti. Huu ndio wakati nilipogundua kuwa **kuketi tutwe** ni vigumu kuliko kufanya kazi ngumu. Tena chumba kile kilicho jaa mwangaza kilinizuia kujua usiku na mchana, hivyo kushindwa kuyatambua majira. Upweke na mawazo mengi viliandamana. Wakati wa haja nililetewa ndoo, sawia na wakati wa kuoga. Sikuruhusiwa kuwa nje. Kitanda hakikuwa na thamani kwangu. Nilikiona kama pingu. Sikujua wakati wa kulala. Nadhani ningekaa hata muda wa siku tano bila kupata lepe la usingizi.

Mungu si athmani. Nilimwomba kila wakati aninusuru. Siku ya kuokolewa kwetu ilikawia mno ila hayawi hayawi huwa. Ilifika. Nilisikia kwa mbali mlilo kama wa bunduki, nikajua sala yangu imetimia. Mfyatuko ule ulipofika mlangoni pa chumba changu, nilisikia sauti ya mtu aliyepigwa risasi akipiga mayowe. Nikaomba yangu ya mwisho. Kilichofuata ni kualika kwa msumeno uliokuwa ukikata kufuli la mlango wangu. Walioingia badala ya kuniangamiza walinikimbilia huku wakinikinga kama afanyavyo kuku akiwakinga vifaranga wake. Wakati huo nilikuwa nimejikunyata mvunguni mwa kitanda. Walinitolea maneno ya kunifariji. Walikuwa wamevalia sare za askari zilizofanana na za wale wa nchi yetu, thibitisho kuwa tulikuwa tumetekwa nyara na wahuni wa nchi jirani. Ilikuwa ni siku ya siku; ya kukutana na wenzangu tuliotekwa nyara pamoja miezi mitatu iliyokuwa imepita.

31. Maisha ya msimulizi yalishinda ya utumwani au kifungo kwa sababu

- A. yalijaa taabu zaidi
B. hakulipwa chochote
C. alipigwa zaidi
D. hakuna aliyekuja kwake

32. Maana ya 'kuketi tutwe' ni
- A. kuogopa sana
 - B. kukaa bila kufanya lolote
 - C. kukaa peke yako
 - D. kukaa chini tu
33. Ilikuwa vigumu kujua usiku na mchana kwa kuwa
- A. hakuwa na saa yoyote
 - B. chumbani mlijaa giza
 - C. alilala wakati wote
 - D. chumba kilijaa mwangaza
34. Kazi ya ndoo ilikuwa
- A. kuchota maji na kuoga
 - B. kujisaidia na kuogea
 - C. kuogea na kufulia nguo
 - D. kuendea haja kubwa na ndogo tu
35. Mtu huhisi upweke wakati
- A. anapoogopa
 - B. anapolala
 - C. akiwa peke yake
 - D. akiwa amechoka
36. Tunasema lepe la usingizi lakini ____ la maji.
- A. biwi
 - B. tita
 - C. shungi
 - D. funda
37. Mungu si athmani kwa sababu
- A. alimwokoza msimulizi
 - B. msimulizi alitekwa nyara
 - C. msimulizi aliuawa
 - D. msimulizi alitoroka
38. Aliyefyatuliwa risasi alikuwa nani?
- A. Rafikiye mnenaji
 - B. Askari mmoja
 - C. Aliyelinda mlangoni
 - D. Mbwa wa askari
39. Askari walimlinda msimulizi kwa sababu
- A. alikuwa kiongozi wao
 - B. maadui wasimdhuru
 - C. alikuwa mnyonge sana
 - D. hakujua alikokuwa

40. Msimulizi na wenzake walizuiliwa kwa muda wa takriban

- A. siku thelathini
- B. miongo mitatu
- C. wiki tatu
- D. siku tisini

Yasome makala haya kwa makini kisha ujibu maswali 41 – 50

Ni bayana kuwa watoto ni viumbe walio na thamani kubwa. Insani hawa wana vipawa mbalimbali na manufaa yanayoweza kunufaisha kizazi kijacho, lakini ajabu ni kwamba wavyele wengi hawapatii watoto nafasi ya kukuza vipawa na uwezo wao. Badala yake, huwapa jukumu la kujitafutia riziki maishani.

Watoto hasa wa kike wanapojiriwa hukumbana na shida teletele. Chukua kwa mfano mtoto aliyeajiriwa kwenye familia ya takriban **adinasi** watano. Mtoto huyu anapaswa kufanya kazi hii sawa na mtu mzima.

Pili, awapo msichana huyatatiza maisha yake kwani siku hizi binadamu wamekuwa wanyama. Msichana kama huyu anaweza kupigwa anapofanā makosa ama kunyimwa chakula au mahali pa kulala, na mbali na hayo kunajisiwa. Hivyo basi, ajira ya watoto imekuwa mojawapo ya vyanzo vya ukimwi au maradhi ya zinaa.

Kwa kawaida, kijakazi anaposhawishiwa kufanya mapenzi na mwajiri wake huogopa kupigwa kalamu. Umoja wa mataifa umekuwa katika mstari wa mbele katika kupigana na ajira za watoto na umehimiza mataifa yashiriki katika juhudi za kuimarisha haki za watoto.

Licha ya juhudi hizo na mafanikio, wapo watoto ambao wameajiriwa kwa sababu ya dhiki na matatizo mengi yanayoikabili jamii. Hivyo, ni jukumu la serikali katika mataifa hayo kuona kwamba zimepitisha miswada ambayo inazuia ajira za watoto.

41. Kulingana na aya ya kwanza
- A. watoto ni viumbe muhimu
 - B. watoto ni viumbe wa ajabu
 - C. watoto hawana hatia yoyote
 - D. watoto hawana haki zozote

42. Ni vyema kuwapa watoto nafasi ya kukuza vipawa vyao kwa sababu
- A. wana vipawa vingi kuliko wazazi
 - B. wengine wao hawana vipawa
 - C. wanatarajiwa kufaidi kizazi cha kesho
 - D. wote wamenyimwa nafasi ya kujiendeleza

43. Wazazi wengine wamewaacha watoto
- A. kujifanyia lolote watakalo
 - B. kujitafutia riziki wenyewe
 - C. kujibizana na watu wazima
 - D. kujua pesa mapema

44. Neno '**adinasi**' lina maana ya
- A. wanja
 - B. watoto
 - C. waajiri
 - D. waja

45. Wasichana hutatizika zaidi kwa sababu
A. hawawezi kujifanyia kazi yoyote
B. wanadhulumiwa zaidi ya wavulana
C. wanapendwa kuliko wavulana
D. ni wajinga kuliko wavulana
46. Ipi si adhabu wanayopewa wasichana wanapokosa?
A. Kupigwa
B. Kunyimwā chakula
C. Kupewa malazi
D. Kulala nje
47. Kukosa kumtendea mtu haki ni
A. kumdhulumu
B. kumpendelea
C. kumwaibisha
D. kumpiga
48. Vijakazi hushiriki mapenzi na waajiri maadamu
A. wanapenda pesa sana
B. wanataka waolewe
C. hawana pa kuenda
D. wanahofia kuachishwa kazi
49. Umoja wa mataifa unatetea sana
A. ajira ya watoto
B. haki za watoto
C. vijakazi wasiajiriwe
D. vijakazi wasinyanyaswe
50. Watoto wengi huajiriwa kutokana na
A. shida za maisha
B. kushindwa na masomo
C. mateso ya wazazi
D. tamaa ya pesa